

ქ. ბათუმი

08 დეკემბერი 2015 წელი

ერთის მხრივ, სსიპ - ლაბორატორიული კვლევითი ცენტრი (შემდგომში „შემსყიდველი“) წარმოდგენილი ცენტრის უფროსის რამაზ სურმანიძის სახით და მეორეს მხრივ, სსიპ „ბათუმის შოთა რუსთაველის სახელმწიფო უნივერსიტეტი“ (შემდგომში „მიმწოდებელი“) წარმოდგენილი ადმინისტრაციის ხელმძღვანელის ჯემალ ანანიძის სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი, მომსახურების ვადა

- 1.1. წინამდებარე ხელშეკრულებით მიმწოდებელი კისრულობს ვალდებულებას გაუწიოს შემსყიდველს სატრენინგო მომსახურება ქრომატოგრაფიულ კვლევებზე (დანაყოფის კოდი - 80500000), შემდეგში „შესყიდვის ობიექტი/მომსახურება“, ხელშეკრულების 3.1 პუნქტით გათვალისწინებული ანაზღაურების სანაცვლოდ.
- 1.2. მიმწოდებელი ვალდებულია გაუწიოს შემსყიდველს მომსახურება ხელშეკრულების გაფორმებიდან არაუგვიანეს 10 კალენდარული დღისა.

2. ხელშეკრულების ღირებულება, დაფინანსების წყარო

- 2.1. ხელშეკრულების საერთო ღირებულება შეადგენს 1500 ლარს.
- 2.2. ხელშეკრულების ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.
- 2.3. დაფინანსების წყარო: საკუთარი შემოსავლები.

3. შესყიდვის ობიექტის მიღება-ჩაბარების წესი

- 3.1. შესყიდვის ობიექტის მიღება-ჩაბარებას ახორციელებენ სათანადოდ უფლებამოსილი პირები (შემსყიდველის მხრიდან - ნათელა ღაჭავა) მიღება-ჩაბარების აქტის საფუძველზე ფაქტობრივად გაწეული მომსახურების შესაბამისად.

4. ანგარიშსწორების ფორმა, წესი და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, მიმწოდებლის კუთვნილ საბანკო ანგარიშზე თანხის ჩარიცხვის გზით.
- 4.2. მიმწოდებელთან საბოლოო ანგარიშსწორება განხორციელდება მიმწოდებლის მიერ ხელშეკრულების ფარგლებში ფაქტიურად გაწეული მომსახურების თაობაზე გაფორმებული მიღება-ჩაბარების აქტის შედგენიდან 15 (თხუთმეტი) სამუშაო დღის განმავლობაში.

5. ხელშეკრულების შესრულების კონტროლი

- 5.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანსაც წარმოადგენს მომსახურების გაწევის ვადების და შესრულებული სამუშაოს ხელშეკრულების მოთხოვნებთან შესაბამისობის დადგენა.

6. ხელშეკრულების პირობების შეუსრულებლობა

- 6.1. თუ მიმწოდებელის მიერ დარღვეულ იქნა ხელშეკრულებით გათვალისწინებული მიწოდების ვადა, მაშინ მას დაკვისრება პირგასამტებლოს გადახდა შეუსრულებელი ვალდებულების 0,07 %-ს ოდენობით ყოველ ვადაგადაცილებულ დღეზე.

6.2. პირგასამტებლოს გადახდა არ ათავისუფლებს მხარეს მირითადი ვალდებულებების შესრულებისაგან.

6.3. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტებლოს ჯამური ოდენობა გადაჭარბებს ხელშეკრულების საერთო ღირებულების 10%-ს, შემსყიდველს უფლება აქვს შეწყვიტოს ხელშეკრულება.

6.4. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობისას, ასევე არაჯეროვანი შესრულებისას შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს დაკისრება პირგასამტებლო ხელშეკრულების ღირებულების 10 (ათი)%-ის ოდენობით.

7. დაუძლეველი ძალა

7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

7.2. ამ მუხლის მიზნებისათვის “დაუძლეველი ძალა” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

7.3. დაუძლეველი ძალის გარემოებების დადგომის შემთხვევაში ხელშეკრულების დამდება მხარემ, რომლისათვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზანების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით ჰასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის გარემოებების ზეგავლენისაგან.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება,



მიმწოდებლისთვის ვალდებულებების შეუსრულებლობის ან არაჯეროვანი შესრულების შესახებ წერილობითი შეტყობინების შემდეგ:

ა) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზის გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

8.5. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. დავები და მათი გადაწყვეტის წესი

9.1. ხელშეკრულების მოქმედების პერიოდში წამოჭრილი ყველა დაგა გადაიჭრება ურთიერთშეთანხმების გზით.

9.2. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ როგორც კონკურენციისა და სახელმწიფო შესყიდვების სააგენტოს, ასევე სასამართლოს საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა


ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 იანვრის ჩათვლით.

11. დასკვნითი დებულებანი

11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან).

11.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15. მხარეთა იურიდიული მისამართები და რეკვიზიტები

„შემსყიდველი“:	„მიმწოდებელი“:
სსიპ - ლაბორატორიული კვლევითი ცენტრი	სსიპ „ბათუმის შოთა რუსთაველის სახელმწიფო უნივერსიტეტი“
ს/კ 245645235	ს/კ 245428158
ელ. ფოსტა: Samebalab@gmail.com	ელ. ფოსტა:
მის: ქ. ბათუმი, დასახლება ქვედა სამება	იურ. მის: ქ. ბათუმი, ე. ნინოშვილის ქ.№35
მიმღების დასახელება - სახელმწიფო ხაზინა.	მიმღების დასახელება - სახელმწიფო ხაზინა.
ბანკის კოდი - TRESGE22	ბანკის კოდი - TRESGE22
მიმღების ანგარიში -740347519	მიმღების ანგარიში -709017499
ცენტრის უფროსი: რამაზ სურმანიძე 	ადმინისტრაციის ხელმძღვანელი: ჯემალ ანანიძე 